

## ՈՐՈՇՈՒՄ

### ՈՐՈՇԱԿԻ ԳՈՐԾՈՂՈՒԹՅՈՒՆՆԵՐ ԿԱՏԱՐԵԼՈՒ ՊԱՐՏԱՎՈՐԵՑՆԵԼՈՒ ՄԱՍԻՆ

09.10.2023թ.

ք.Երևան

Հարկադիր կատարումն ապահովող ծառայության Երևան քաղաքի ոչ գույքային բնույթի կատարողական վարույթների հատուկ բաժնի հարկադիր կատարող, արդարադատության լեյտենանտ Նարինա Հայրապետյանս, ուսումնասիրելով թիվ 11211097 կատարողական վարույթի նյութերը,

#### ՊԱՐԶԵՑԻ

ՀՀ Երևան քաղաքի առաջին ատյանի ընդհանուր իրավասության դատարանի կողմից 09.10.2023թ. տրված թիվ ԵԴ/31598/02/20 կատարողական թերթի համաձայն պետք է՝ արգելել Վահան Գյուլնազարյանին առանց մոր Թերեզա Մանուկյանի թույտվության ՀՀ սահմաններից դուրս տանել Լեո Վահանի Գյուլնազարյանին/ծնված 11.10.2015թ./:

«Դատական ակտերի հարկադիր կատարման մասին» ՀՀ օրենքի 30-րդ հոդվածի 4-րդ մասի համաձայն.

«Կատարողական վարույթ հարուցելուց հետո հարկադիր կատարողը կարող է որոշում կայացնել կատարողական վարույթի կողմերին, ինչպես նաև անհրաժեշտության դեպքում այլ անձանց որոշակի գործողություններ կատարելուն կամ կատարելուց ձեռնպահ մնալուն պարտավորեցնելու մասին, եթե առանց դրա հնարավոր չէ ապահովել հարկադիր կատարումը՝ հիմնավորելով նման անհնարինությունը:»

Հաշվի առնելով այն հանգամանքը, որ անձին Հայաստանի Հանրապետության սահմաններից դուրս տանելու արգելքի կատարումն ապահովելու նպատակով որևէ անձի ելքն արգելելը կարող է ապահովվել Ազգային անվտանգության ծառայության միջոցով, գտնում եմ, որ պետք է պարտավորեցնել Ազգային անվտանգության ծառայությանը սահմանափակել պարտապան Վահան Գյուլնազարյանի իրավունքը՝ երեխա՝ ծնված 11.10.2015թ. Լեո Վահանի Գյուլնազարյանին առանց մոր թույտվության Հայաստանի Հանրապետության սահմանից դուրս տանել այլ երկիր:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28, 28.1 հոդվածներով և 30-րդ հոդվածի 4-րդ մասով՝

#### ՈՐՈՇԵՑԻ

Պարտավորեցնել Ազգային անվտանգության ծառայությանն արգելել Վահան Գյուլնազարյանին առանց մոր Թերեզա Մանուկյանի թույտվության ՀՀ սահմաններից դուրս տանել Լեո Վահանի Գյուլնազարյանին/ծնված 11.10.2015թ./:

Որոշումը ենթակա է անհապաղ կատարման:

Հարկադիր կատարողի կայացրած որոշումը կարող է բողոքարկվել վերադասության կարգով՝ որոշումն ուժի մեջ մտնելու օրվանից հետո երկամսյա ժամկետում, կամ վարչական դատարան՝ օրենքով սահմանված ժամկետներում:

«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները:

**ՀԱՐԿԱԴԻՐ ԿԱՏԱՐՈՂ,  
ԱՐԴԱՐԱԴԱՏՈՒԹՅԱՆ ԼԵՅՏԵՆԱՆՏ**

**ՆԱՐԻՆԱ ՀԱՅՐԱՊԵՏՅԱՆ**